

會稽續志序

會稽志作於嘉泰辛酉距今二十有五年夫物有變遷事有沿革今昔不可同日語也況城府內外斬然一新則越又非曩之越矣苟不隨時紀錄後將何所攷昔虞翻朱育答郡太守問會稽古今事應對如流纖悉弗遺當時但嘆其殫治殊不知二公皆望人也其習熟有非一日誤雖世本中原僑寓是邦蓋有年矣山川風土之詳人材物產之富與夫事物之沿革變遷曩嘗訪問茲又目擊於越事亦粗稔懼其久而遺忘輒哀輯而彙次之總爲一編曰會稽續志所書

會稽續志序

一

固辛酉以後事而前志一時偶有遺逸者因追補之疎略者因增廣之譌誤者因是正之異時有問我以越事敢執此以謝寶慶元年三月旦日梁國張湔序

會稽續志目錄

第一卷

越 會稽 風俗 城郭

學校 縣學 貢院 教場 軍營

倉 庫 場務 館驛

坊巷 園圃 府廨 街衢

第二卷

提刑司 提舉司 安撫題名 提刑題名

提舉題名

第三卷

會稽續志目錄

一

安撫司 簽廳 屬官 通判廳 簽廳

鄉 鎮 市 和買

陵寢 宮觀 寺院 祠廟

第四卷

山 水 橋梁 堤塘

花果 蔬 草木 茶

竹 藥石 紙 禽獸蟲魚

第五卷

人物

第六卷

進士 仙釋 詩文

第七卷

雜紀 拾遺

會稽續志目錄

二

會稽續志卷第一

越

史記越世家云夏少康之庶子也無余封於會稽以奉禹祀賀循會稽記云少康封其少子號曰於越越國之稱始於此按越絕書禹到大越上苗山會計爵有德封有功更茅山曰會稽是越之稱已見於三代之前非始於無余之封也賀循蓋未之考爾言越而冠之以大則越自昔爲大國可知矣

會稽

會稽上應牽牛之宿下當少陽之位自晉渡江以來

會稽續志卷一

一

三吳豪傑嘗請以爲都後雖不果亦足見當時以爲重地言其形勢則晉元帝以爲今之關中言其體腴則江左諸公比之鄴杜之間是擬之長安矣蓋其地襟海帶江方制千里實東南一大都會又物產之饒魚鹽之富實爲浙右之奧區也昔熙寧中陳舜俞嘗云越爲東南一都會公私晏安百度饒羨蒼山白水連屬附郭古今以爲人物登覽之勝於是朝廷以守帥之重遇名卿佚元老似非勳望地勢能居一時之右者莫敢當也在彼時其重已如此況今日乎中興以來地拱行都去天尺五非但爲扶風馮翊

而已

至唐中和三年升越為義勝軍以劉漢宏為節度使
光啟三年改義勝軍為威勝軍以董昌為節度使乾
寧三年改威勝軍為鎮東軍以錢鏐為鎮海鎮東軍
節度使且陞為大都督府鏐如越州受命還治錢塘
號越州為東府梁貞明中鏐既為吳越國王遂以杭
為西都越為東都其後又以越為會稽府以州為府
不得其時
府亦不知在何時以上史冊既備之則沿革之詳似
不容畧也故備論於此

風俗

會稽續志卷一

二

前志論風俗之美謂有禹之遺風王銍學記云餘姚
有諸馮之地舜所生也會稽之地禹所沒也舜禹功
被萬世而有見於風俗又王安石有歷山賦蓋亦思
舜而作也則習俗之美兼有舜之遺風矣或謂舜居
河東歷山
當澤各有其地越人別指歷山舜井象田仍以餘姚
上虞名縣風土記曲為之辭未免附會此周文忠公
陸氏翼孟音解序也然自書傳既於秦火彼是此非
無從折衷是否當不必問今但取其風俗之美耳

城郭

羅城隋開皇中楊素所築唐乾寧中錢鏐重修皇祐
中守王逵復修且浚治池壕嘉定十三年守吳格雖

重修後多摧圯十六年汪綱又加繕治併修諸門城

之東曰五雲門即古雷門晉王獻之所居有水門曰

都泗舊作東南曰稽山門水門曰東郭西曰迎恩門

唐昭宗命錢鏐討董昌鏐以兵三萬西南曰常喜門

屯迎恩門則迎恩之名其來久矣又謂之南曰植利門北曰三江門以至堰埭亦皆修

築視宣和劉侯有光焉

子城嘉祐初刁約奏修之至八年始克成歲久復壞

嘉定癸未守汪綱既治羅城因併葺其缺壞譙樓并

鎮東軍門秦望門亦加煥飾而補苴之遂為一郡壯

觀

會稽續志卷一

三

學校

慶歷四年詔天下皆立學景祐中李照始議創建至
嘉祐中方成隆興二年吳芾重修周綰為記嘉定十
六年汪綱又增葺之

縣學

嵎縣學在縣西嘉定七年令史安之移建於縣西南
繼錦坊為屋百區袁燮作記

上虞縣學淳熙十一年令劉筮重修豐誼作記

山陰縣學嘉定十六年令趙汝駟重修郡捐緡錢三
十萬以助其費陳耆卿作記

蕭山縣學嘉定十七年汪綱委監和旨酒庫葉應輔爲主學而學舍頽弊爲甚捐錢三十萬米數十石重修他邑有學亦加整葺

貢院

郡昔遇科舉卽僧舍爲試所忠定史公鎮越時得爽塏地乾道九年守錢端禮始創貢院其時舉人比今僅及其半嘉定十五年歲適大比守汪綱乃重行整葺且增屋三十間視庭下地雖稍廣遇雨則泥淖不可容足又命鑿石加墊坦然如砥士子便之院前待試地亦計工石填砌爲永久利云

會稽續志卷一

四

教場

小教場元在臥龍山上頗爲隘狹嘉定十五年守汪綱命以作院地創築前建臺門繚以牆垣中爲堂曰雄威以爲常教之所

軍營

府之軍營凡十有二日雄節係將第一指揮曰威捷第二係將指揮曰威果係將第二十二指揮第二十三指揮不係將第五十四指揮曰全捷係將第四指揮第五指揮曰全捷不係將第十三指揮曰麻軍崇節第一指揮第八指揮曰壯城指揮曰牢城指揮廢

壞久不葺軍兵皆僦居於外嘉定十六年守汪綱葺舊外添創屋一千餘間盡括軍兵遷入營壘於是軍制稍嚴整矣

都作院在小教場之側嘉定十五年守汪綱創建凡屋二十餘間

倉

苗米倉在府衙東
糯米倉在西門外

並嘉定十五年守汪綱重修及添造

庫

會稽續志卷一

五

勅書架閣庫

聖節儀仗庫

書板庫

東甲仗庫

西甲仗庫

陳設庫

銀器庫

書籍庫

雜物庫

軍資庫

公使庫	倚卓庫	輜庫	炭庫	牙契局	賣酒交錢局	果子局	燈油局	樂部局	府治局	以上並郡守汪綱創建及重修越爲督府蓋嚴除戎之備而斷甲朽器頽垣敗壁馴習浸久漫不加省汪捐緡錢三萬打造器甲二千副關東西甲仗庫舊址建屋四十五間石櫺轆發聾易	舊觀視諸庫局尤爲宏壯	場務	激賞庫酒樓在照水坊	都酒務酒樓在蓮花橋	並郡守汪綱建	館驛	通川亭	問津亭	並在府倉南廢爲酒肆久矣嘉定十六年郡守汪綱重修且增創他屋若廚福之屬悉皆備具
-----	-----	----	----	-----	-------	-----	-----	-----	-----	--	------------	----	-----------	-----------	--------	----	-----	-----	--------------------------------------

以爲往來者館寓之所	嶠縣	訪戴驛在縣之訪戴坊嘉定八年令史安之重建於東門之外	上虞縣	懷謝驛在縣之東邑有東山晉謝安嘗遊故云	坊巷	坊巷之名見於前志者僅二十餘嘉定十七年守汪綱始新其華表重揭扁榜凡九十六所又斜橋坊路乃台明往來之衝也每遇雨苦於泥濘綱復命伐石發砌二州往來者甚便之王狀元坊其廢已久故前志止載詹莫二坊綱訪問得其舊址鼎新再建	第一廂	外竹園坊	裏竹園坊	晉昌坊	元真坊	外鍾離坊	裏鍾離坊	靜林坊	甘露坊	外梧柏坊	裏梧柏坊	杏花坊	親仁坊	目連坊	季童坊	義井坊	新路坊	小新坊	都亭坊	法濟坊	孝義坊	禮禮坊	第二廂
-----------	----	--------------------------	-----	--------------------	----	--	-----	------	------	-----	-----	------	------	-----	-----	------	------	-----	-----	-----	-----	-----	-----	-----	-----	-----	-----	-----	-----

棚樓坊	花行坊	日池坊	月池坊
照水坊	小德政坊	寶幢坊	廣陵坊
石灰坊	朴木坊	樂義坊	永福坊
押隊坊	諸善坊	上黨坊	義井坊
祥符坊	詹狀元坊	莫狀元坊	
第三廂			
西河坊	小驛坊	南市	富民坊
華嚴坊	鐵釘坊	蕙蘭坊	德惠坊
大市門坊	治平坊	甲子坊	開元坊
南觀仁坊	獅子坊	雲西坊	菩提坊
會稽續志卷一 八			
耀靈坊	植利坊	采家坊	柴場坊
京兆坊	天井坊	水溝坊	大新坊
河南坊	施水坊	船場坊	府橋坊
桐木坊	槿木坊	愛民坊	
第四廂			
賢良坊	火珠坊	少微坊	板橋坊
北市	瓦市	雙橋坊	水澄坊
新河坊	大路坊	石灰坊	錦麟坊
武勳坊	畫錦坊	迎恩坊	草貌坊
筆飛坊	斜橋坊	戒珠坊	王狀元坊

第五廂			
教德坊	臥龍坊	車水坊	顯應坊
秦望坊			
禮遜坊即義里今爲竹園坊昔有紀伯與陳翥鄰修藩籬而侵其地翥不較又益與之伯慙亦退所侵因成通衢郡守多之爲目曰義里今長慶寺乃二人之宅華鎮詩云鄰里相歡起美談通衢高柳碧鬚鬚至今風俗輕虞芮目擊岐周始自慙			
會稽			
廣平路在稽山門外東南一十里廣平程師孟元豐初爲守華鎮覽古云民服其政日有餘裕放浪於山水間泛鏡湖欸禹祠探藏書訪丹井攬宛委之秀挹若耶之勝往來必由稽山之蹊山中之民相率而治之芟繁夷險使肩輿安行飛蓋無阻師孟字公闢時爲夕郎路以公名			
會稽續志卷一 九			
嶧縣			
前志嶧縣一十坊今二十四坊			
訪戴	秀異	字民	佐理
繼錦	通安	繼孝	齊禮
光慶	迎春	嘉會	仁德
		弦歌	醴泉
		集賢	招提
		遷善	桃源

清河 進德 妙音 豐義 成俗 化民

繼錦坊按縣有繼錦鄉舊名治化天聖中邑人史綸登進士第其子叔軻繼之縣令魏琰改今名

蕭山

清風坊晉許詢所居故號曰許君里

招賢坊梁江淹所居故號曰江君里覺苑寺卽淹之宅也

園圃

西園在臥龍山之西府治據臥龍形勝處龍之口府東門也龍之尾西園也景祐中唐詢作蔣堂曲水閣

會稽續志卷一

十

詩序則以園創於堂今以齊唐王公池記考之自吳越時已爲遊觀之地蓋後來廢不葺治至堂始復其舊觀爾非創於堂也守吳格嘗葺之未幾亭宇多壞嘉定十六年汪綱復增葺之又創憩棠一亭頗爲華麗云

府廨

唐元微之云州宅居山之陽凡所謂臺榭之勝皆因高爲之以極登覽嘗以詩誇於白樂天云州城縈繞拂雲堆照水稽山滿目來四面無時對屏障一家終日在樓臺星河影向簷前落鼓角聲從地底回我是

玉皇香案吏謫居猶得小蓬萊誦其詩則當唐盛時

州宅之勝可想而知矣乾寧中董昌叛卽廳堂爲宮殿昭宗命錢鏐討平之以鏐爲節度鏐惡昌之僞跡乃撤而新之故元微之與李紳諸公所登臨吟賞之處一皆不存若滿桂樓海榴亭杜鵑樓其跡已不復可考而名傳於世者蓋以諸公之詩也建炎以後又復頽毀而本朝諸公登臨之處亦不可復考如逍遙堂井儀堂五雲亭披雲望雲二樓者殆不勝數凡州宅之堂舍亭館見於今者悉著錄之庶來者有所考云

會稽續志卷一

十一

州宅後枕臥龍而面直泰望自錢鏐再建壞而復修不知其幾嘉定十五年守汪綱以謂其敝已極弗治則不可校矣於是外自譙樓以至設廳旁由廊廡吏舍內自寢堂燕坐庖廩之所悉治新之鳩工於嘉定十五年春落成於十六年冬內外罔不一新按鏐重建在唐天祐元年甲子此按鏐重建軍府署記至嘉定十六年癸未實三百二十年其再新若有數云

常衙屬在儀門之東舊頗迫窄守汪綱至是始闢其址而增廣之廊廡畢備上爲泰望閣不知作於何時趙抃嘗有詩則熙寧之前已有之矣自此至樓臺皆汪綱重修

清思堂在常衙廳之後不知作於何時張伯玉趙抃皆有詩今刻石於堂上

青隱軒在常衙廳之東政和間王仲藝作

延桂閣在清思堂之側前有巖桂甚古守趙彥倅建王補之摘杜子美賞月延秋桂之句以名樓之下爲寢處燕坐之所便房夾室悉備蓋館士所寓之地也汪綱更新之且添創他屋及庖湢之所居者頗以爲便

招山閣在棣萼堂之下不知作於何時舊名清涼閣守洪邁改今名

會稽續志卷一

三

雲近在招山閣之右宅堂之廊廡也趙彥倅建蓋取杜子美雲近蓬萊常五色之句以名

棣萼堂在雲近之下紹熙元年洪邁領郡以其兄丞相廷乾道中嘗出守邁取綸告中語有矧伯氏棠陰之舊增一門棣萼之華故名

燕春在清思堂後守汪綱創建摘張伯玉燕寢長居紫府春之句以名

雲根在州宅後守汪綱創建摘張伯玉州宅近雲根之句以名

四面屏障在州宅後守汪綱創建摘元微之四面無

時對屏障之句以名

步龍在州宅之後守汪綱創建取沈紳雲隨步武龍頭穩之句以名

拂雲在州宅後子城之下守汪綱創建摘元微之州城縈繞拂雲堆之句以名

晚對在州宅之後洪邁所建取杜甫翠屏宜晚對之句以名覆之以茅已頽毀不存守汪綱卽舊址再建無塵在州宅之上拂雲之左守汪綱創建摘張伯玉疎竹間花陰了無塵土侵之句以名

蓬萊閣在設廳後臥龍之下章樂作蓬萊閣詩序云

會稽續志卷一

三

不知誰氏創始按閣乃吳越錢鏐所建鏐偶不知爾淳熙元年其八世孫端禮重修乃特揭於梁間云定亂安國功臣鎮東鎮海兩軍節度使檢校太師侍中兼中書令食邑一萬戶實封六百戶越王鏐建其名以蓬萊者蓋舊志云蓬萊山正偶會稽舊志今已不和孔司封登蓬萊閣詩云三山對峙海中傳沈少卿紳央自注於下云舊志蓬萊山正偶會稽元微之詩云謫居猶得小蓬萊錢公輔詩云後人慷慨慕前脩高閣雄名由此起故云自元祐戊辰章樂修之又八十七年錢端禮再修又四十八年汪綱復修綱自記歲月於注云蓬萊閣登臨之勝甲於天下自昔以來

不知其凡幾壞幾修矣邇年其壞尤甚而修之於嘉定十五年歲次壬午十一月己巳朔十五日己未者郡守新安汪綱仲舉也

鎮越堂汪綱創建綱自記於柱云由蓬萊閣而下凡三級始達廳事承平時皆有堂宇廢圯已久後來者乃由中鑿蹬道以便往來而饗軍延見吏民之所遂爲通行之路非獨失帥府之觀瞻其於陰陽家之說尤爲妨忌郡寢不如昔民亦多艱未必不由於此嘉定辛巳予自憲移帥卽有意稍復舊觀顧力未贍弗暇明年秋公帑稍有餘積於是補苴罅漏葺夷草萊

會稽續志卷一

古

築一堂於上以鎮越名之蓋東南之鎮其山曰會稽而鎮東又越之軍額也名實其核地高而爽堂奧而明秦望諸山皆欣然鎖會有効奇獻秀之勢又創行廊四十間于兩翼聯屬蓬萊併與閣一新之山川朝拱氣象環合而斯堂之勝遂獨擅於越中矣工既畢功姑記歲月於此是歲九月辛未新安汪綱書堂之扁榜三大字 大丞相史魯公之筆也

月臺在鎮越堂之前汪綱創建舊嘗有望月臺壞已久其址亦不知在何所唯王十朋一詩尚傳云明珠遙吐臥龍頭漸覺清光萬里浮人望使君如望月更

須如鏡莫如鉤綱蓋寓舊名於此也

雲壑在臥龍之東汪綱創建前有喬松甚古綱自記於柱云嘉定壬午五月郡守新安汪綱作雲壑於臥龍之東峯蓋百花亭之舊址也黃太史詩云老松開世臥雲壑回首滄江無萬牛而此堂之下蒼髯老幹雲霧深藏雪壓霜侵不改其操是宜其高臥閱世縱有萬牛焉能動哉

清曠軒在雲壑之側嘉定十五年汪綱自記於柱云章案蓬萊閣詩序謂四時之景不同而所同者自然之清曠也此語當矣西園舊有亭名清曠亭廢不存

會稽續志卷一

五

復寓此名於斯軒噫何獨此名爲寓而斯軒亦直寄焉耳

觀風堂紹興中曹泳所建王十朋詩云薄俗澆風有萬端欲將眼力見應難但令心境無塵垢端坐斯堂便可觀堂廢吳格再建汪綱又葺之

秋風亭在觀風之側其廢已久嘉定十五年汪綱卽舊址再建綱自記於柱云秋風亭辛稼軒曾賦詞贈炙人口今廢矣予卽舊基面東爲亭復創數椽於後以爲賓客往來館寓之地當必有高人勝士如宋玉張翰者來遊其間游目騁懷幸爲我畱其母遽起悲

吟思歸之興云

望海亭在臥龍之西不知始於何時元微之李紳嘗賦詩則自唐已有之矣昔范蠡作飛翼樓以壓強吳此亭卽其址也祥符中高紳植五桂於亭之前易其名曰五桂歲久亭既廢桂亦不存嘉祐中刁約增廣舊址再建復名望海自作記以誌嘉定十五年汪綱重修

多稼亭在望海亭之下嘉定十年王補之修改今名嘉定十五年汪綱重修

越王臺按祥符圖經云在種山東北種山蓋臥龍之

會稽續志卷一

六

舊名也今臺乃在臥龍之西舊有小茅亭名近民久已廢壞嘉定十五年汪綱卽其遺址創造而移越王臺之名於此氣象開豁目極千里爲一郡登臨之勝且俾曾者年篆三大字立石而刻之別爲亭以覆之亭在臺之左

清白堂在蓬萊閣之西臥龍山之足康定中范仲淹所作按仲淹堂記云獲廢井泉清而色白因命其堂曰清白庶幾居斯堂而無忝其名堂廢不存久矣嘉定十五年汪綱命訪其所云都廳卽其處也乃別創都廳重加整葺而復范之舊扁

賢牧堂在清白之側舊以祀范文正公乾道四年中忠定公始以趙清獻公並祀乾道八年守方滋又增祀朱忠靖公勝非趙忠簡公鼎張文靖公守翟忠惠公汝文嘉定十四年守吳格又以史忠定公祀爲七人袁變作記汪綱重修

真武堂土地祠舊在蓬萊閣下室暗尤甚汪綱移建於臥龍山之西崇善王祠之前特爲顯敞

崇善王祠蓋臥龍山之神也在山之西錢鏐所建祠有石幢乃鏐刊梁貞明三年封神爲崇善王勅牒鏐自列其銜於後云啟聖匡運同德功臣天下兵馬大

會稽續志卷一

七

元帥尚父守尚書令吳越王鏐立汪綱旣移真武士地堂於是併祠修之此三祠靈應特異

街衢

越爲會府衢道久不修治遇雨泥淖幾於沒膝往來病之守汪綱亟命計置工石所至繕砌浚治其湮塞整齊其巖崎除閑陌之穢汙復河渠之便利道塗堤岸以至橋梁靡不加葺經畫有條役且無擾始於府橋至軒亭及南北兩市由府前至鎮夷軍門賢良坊至府橋水澄坊至鯉魚橋沿河夾岸迤邐增築暨大小路迎恩門內外至鴻橋一作虹牽匯坦夷如砥井里

嘉歎實爲悠久惠利云

會稽續志卷一

六

會稽續志卷第一

宋元方志叢刊 寶慶會稽續志

會稽續志卷第二

提刑司

提刑司在府治之東與蓬萊館相望嘉定十六年知府事兼提刑汪綱以其弊陋乃撤其壞甚者六七而鼎新之且增創吏舍架開庫并錢酒什物文籍諸庫又新其公餘燕坐之所屬官議事之廳及亭館樓觀罔不畢新曰澄清堂有淳熙中倪思所作堂記曰棣華堂淳熙初以其兄韓乾道中曰和樂堂曰盡心堂宣和元年日嘗蒞是職故云曰石為巖洞而冠亭於上茂曰稽山閣其址清閣亭林叢竹交映左右頗爲幽雅曰稽山閣即火珠山也有乾道中程大昌賦刻梓揭于梁間又創敬簡堂於簽廳之左

會稽續志卷二

一

提舉司

提舉司在蕙蘭坊其燕坐之所則有雲錦植荷東窗澄齋爰咨堂風月堂虛豁爽塲可以觀眺下有方沼前疊石爲山老木三四雜以花竹其趣頗佳應事之右有小圃中有二亭曰扶疎曰清逸安撫題名

帥守姓名前志止於嘉泰初元李公大性今自嘉泰三年辛公弃疾以後備錄於左

辛弃疾以朝請大夫集英殿修撰知嘉泰三年六月十一日到任當年十二月二十八日召赴行在

七一〇一

林采以太中大夫集英殿修撰知太平州除寶謨

閣待制改知嘉泰四年四月初十日到任開

禧元年五月十二日宮觀

周玘以中大夫充集英殿修撰知開禧元年七月

五日到任二年四月二十一日除寶謨閣待

制宮觀

趙師昇以大中大夫知開禧二年五月十三日到

任當年六月十一日除寶謨閣學士知廬州

錢象祖以降授中大夫知開禧二年八月二十二

日到任九月六日復通議大夫開禧三年二

會稽續志卷二

二

月四日召赴行在

章燮以朝請大夫直華文閣知開禧三年二月二

十八日到任十月十三日以應辦成肅皇

后山陵有勞特轉朝議大夫十一月四日召

赴行在

李珣以朝散大夫直寶謨閣知開禧三年十一月

二十五日到任嘉定元年七月二十九日除

侍右郎官

黃由以寶謨閣學士正議大夫知嘉定元年九月

二十一日到任三年四月十六日除刑部尚

書兼直學士院

留恭以朝奉大夫直寶謨閣知嘉定三年六月二

十二日到任至嘉定五年四月十七日宮觀

趙彥倓以朝散大夫兩浙東路提點刑獄公事除

直寶謨閣知嘉定五年八月十六日到任七

年七月二十一日除直徽猷閣再任當年十

月十三日磨勘轉朝請大夫八年八月二十

九日除太府少卿

葉箋以朝請大夫兩浙東路提點刑獄公事除直

祕閣知嘉定九年二月十一日到任當年十

會稽續志卷二

三

一月六日罷

吳格以朝散郎直祕閣知嘉定九年十二月六日

到任次年二月十三日丁母憂

王補之以中奉大夫知婺州復祕閣修撰知嘉定

十年三月六日到任十二年三月二十二日

除右文修撰提舉建康府崇禧觀

沈暉嘉定十二年三月二十四日以朝議大夫祕

閣修撰浙東提刑被旨兼權至當年八月

十二日除太府卿

吳格以朝散郎直祕閣知嘉定十二年九月二十

六日到任次年十月磨勘轉朝請郎十四年十月五日除直煥章閣樞密副都承旨

汪綱以朝奉大夫直祕閣兩浙東路提點刑獄公

事除煥章閣知嘉定十四年十二月十七日

到任次年四月轉朝散大夫十一月轉朝請

大夫十七年正月除太府少卿二月兼權司

農卿四月除直龍圖閣知十月 覃恩轉朝

議大夫寶慶元年四月應辦 寧宗皇帝梓

宮有勞除右文殿修撰當年七月以職事修

舉奉 聖旨除集英殿修撰特合再任三年

會稽續志卷二

四

十一月除寶謨閣待制依舊知紹定元年三

月磨勘轉中奉大夫七月以收糴椿管米及

數轉中大夫十二月初三日召赴 行在

汪統紹定元年十二月二十九日以朝散郎直寶

章閣浙東提舉兼權三年三月磨勘轉朝請

郎五月以糴椿積米特轉朝奉大夫四年四

月該遇 皇太后慶壽恩轉朝散大夫五月

二十一日與宮觀

葉棠紹定四年五月二十一日以朝議大夫直寶

謨閣浙東提舉暫兼七月十六日除提刑仍

舊兼權十月十三日交割與程微猷

程覃以中大夫直徽猷閣知紹定四年十月十三

日到任六年九月因應辦 恭聖仁烈皇太

后梓宮事務有勞除祕閣修撰十一月十三

日除司農卿

葉棠以中大夫直寶謨閣浙東提刑於紹定六年

十一月七日除金部郎官未上當月十五日

除徽猷閣知端平元年十一月十六日依舊

職差知太平州

黃壯猷端平元年十一月以朝請大夫金部郎官

會稽續志卷二

五

除直祕閣知十二月十二日到任三年十一

月十五日除尚右郎官

李鳴復嘉熙元年二月以端明殿學士朝奉大夫

簽書樞密院事兼參知政事除資政殿學士

知十七日到任當年六月二十三日召赴

行在八月十六日除參知政事

潘剛中嘉熙元年十月十九日以朝議大夫浙東

提刑暫權十二月磨勘轉中奉大夫二年閏

四月十三日交割與趙大資

趙善湘以資政殿大學士銀青光祿大夫沿海制

置使兼知慶元府於嘉熙二年三月依舊職
知閩四月十三日到任三年六月二日依舊
職提舉臨安府洞霄宮

余天錫嘉熙三年六月除資政殿學士知七月十
六日到任四年四月初三日召赴行在
蔡範嘉熙四年四月以朝請大夫新除司農卿除
直徽猷閣知六月二十一日到任淳祐元年
五月磨勘轉朝議大夫九月除直龍圖閣依
舊知二年二月十六日召赴行在奉事六
月九日除司農卿

會稽續志卷二

六

史巖之淳祐二年三月以龍圖閣學士通奉大夫
知十月初十日到任三年三月磨勘轉正議
大夫四年七月十三日除端明殿學士依舊
知十七日改知福州

童頤淳祐四年七月二十一日以朝散大夫直華
文閣浙東提舉暫權十月十六日交割與史
閣學

史宅之淳祐四年七月以華文閣學士通奉大夫
知十月十九日到任十二月磨勘轉正議大
夫五年十一月以職事修舉除敷文閣學士

依舊知六年三月十六日除工部尚書

趙性夫淳祐六年四月五日以朝奉大夫直秘閣
浙東提刑兼權十月除直華文閣令再任依
舊兼權七年五月六日除直徽猷閣知八年
正月除大理少卿未上二月除直寶文閣依
舊知七月兼提舉十月三日令赴行在奏
事九日除宗正少卿

趙希樸淳祐八年十二月以中奉大夫新除司農
少卿兼檢詳除直華文閣知九年正月十一
日到任當月兼權提舉六月三日罷

會稽續志卷二

七

洪巖淳祐九年六月九日以朝散郎浙東提刑劄
兼權七月十七日被旨時暫兼權十一月
交割與吳大資

吳潛淳祐九年八月以資政殿學士太中大夫知
十一月八日到任十二月八日除同知樞密
院事兼參知政事

洪巖淳祐九年十二月十八日再以朝請郎直秘
閣浙東提刑劄兼權十年三月十三日被
旨兼權八月十二日除刑部郎官二十一日
除直寶謨閣知尋別與州郡差遣

馬天驥淳祐十年八月二十七日以朝請大夫直
祕閣浙東提舉被旨兼權十月五日除宗
正少卿十四日除祕閣修撰知仍兼提舉十
一年十月十一日除權兵部侍郎十七日除
知慶元府

樓治淳祐十一年十月以中奉大夫集英殿修撰
知閏十月初八日到任十一月十一日暫兼
提舉十二年正月十三日暫兼提刑四月磨
勘中大夫八月依舊職提舉江州太平興國
宮

會稽續志卷二

八

程沐淳祐十二年八月十二日以朝奉大夫浙東
提舉時暫兼權寶祐元年三月二十四日交
割與集撰陳侍郎

陳顯伯淳祐十二年八月以太中大夫集英殿修
撰新知婺州改知寶祐元年三月二十四日
到任二年正月十二日除權兵部侍郎

屬文翁寶祐元年十月以承議郎集英殿修撰知
二年正月二十九日到任四月以前知臨安
府職事有勞特轉朝奉郎十月二十六日依
舊職改知慶元府

史宇之寶祐二年十月以煥章閣學士太中大夫
知十二月十四日到任四年正月以職事修
舉特除徽猷閣學士仍知十月八日召赴
行在十一月一日除工部尚書

顧岳寶祐四年十月二十五日以承議郎浙東提
刑時暫兼權五年八月初四日交割與謝祕
撰

謝奕修以中奉大夫太府卿除祕閣修撰知寶祐
五年八月四日到任六年七月四日除右文
殿修撰賜紫章服依舊任開慶元年八月一

會稽續志卷二

九

日除集英殿修撰依所乞提舉隆興府玉隆
萬壽宮仍賜金帶許令服繫二十一日交割
與屬待制

屬文翁開慶元年六月以朝奉大夫徽猷閣待制
知八月二十一日到任十月二十九日除寶
文閣待制知臨安府十一月交割與何敷文
何夢祥以朝奉大夫試司農卿兼知臨安府除直
敷文閣與屬待制兩易開慶元年十一月初
八日到任景定元年二月六日除直徽猷閣
主管建寧府武夷山冲佑觀

葉隆禮景定元年二月以朝奉大夫除直寶文閣知十六日到任四月二十六日交割以次官離任

鄭雄飛景定元年五月初五日以朝散大夫直寶章閣浙東提舉被 旨時暫兼權七月十七日交割與謝集撰

謝堂景定元年五月以朝奉大夫集英殿修撰知七月十七日到任十月除寶章閣待制提舉佑神觀仍奉朝請特賜金帶許令服繫

林光世景定元年十月二十八日以朝奉大夫浙

會稽續志卷二

十

東提舉被 旨時暫兼權十二月初十日交割與祕閣季戶部

季鏞以朝散郎知溫州除左曹郎官未供職間除直祕閣知景定元年十二月初十日到任二年七月二十六日以職事修舉陞直寶謨閣依舊任十二月初九日被 旨時暫兼權提舉三年五月初九日除將作監十一日陞直煥章閣依舊知十一月初八日陞直寶文閣令再任十二月二十日除直龍圖閣兩浙轉運副使

楊瑱景定三年十二月以朝議大夫右文殿修撰新知寧國府除集英殿修撰知四年二月二十九日到任十月十九日令赴 行在奏事朱應元景定四年十月二十五日以朝請郎直猷猷閣浙東提舉被 旨時暫兼權五年正月初五日除直顯謨閣浙東提刑兼提舉仍暫權二月二十六日除監察御史兼崇政殿說書

會稽續志卷二

十一

提刑題名

提點刑獄置使始於淳化三年兩浙皆隸所部熙寧九年分兩浙爲東西路明年復合建炎四年用熙寧法復分爲二自置使以來中間嘗兼用武臣建炎間省去乾道中復置淳熙末又省自紹聖以上其姓名皆不可考元符以後始有壁記故得以著錄

白具元符三年正月初四日以朝散郎到任

王祖道元符三年七月二十日以朝散大夫到任

胡師文崇寧元年三月初四日以朝散大夫到任

程遵彥崇寧元年口口口口日以朝請大夫到任

會稽續志卷二

主

蔡肇崇寧元年七月二十四日以朝奉郎到任

虞暮崇寧元年十二月十六日以承議郎到任

周彥質崇寧二年二月初五日以朝請郎到任

二月二十五日移淮南轉運副使

強浚明崇寧三年三月初五日以朝奉郎到任

年九月初六日罷

祖理崇寧三年六月二十九日以朝散郎到任

年二月十四日罷

黃克俊崇寧四年四月二十九日以朝散郎到任

五年十二月二十四日移知光州

馬昭崇寧五年正月十九日以朝請大夫到任

觀元年正月初八日罷

董正封大觀元年二月初九日以中散大夫到任

當年閏十月初四日除發運副使

錢景逢大觀元年二月二十日以朝奉大夫到任

當年閏十月十五日移江東提刑

盛章大觀二年三月以奉議郎到任當年十月初

八日除兵部員外郎

畢漸大觀二年十一月以朝散郎到任大觀三年

四月罷

會稽續志卷二

主

朱維大觀三年三月十四日以中大夫到任政和

元年七月二十五日移知興仁府

蔡安持大觀四年五月以朝請大夫直祕閣到任

政和元年六月召赴闕

李景夏政和元年四月以朝散郎到任當年五月

罷

虞暮政和元年七月十八日以朝奉大夫到任政

和三年正月二十六日罷任

周邦式政和二年六月以朝請大夫到任政和三

年四月十七日移江東提刑